

之一而別設都監大臣為提調揔督之至經累朔然後得成全則許多祭器儀物造作反重於國初新設之時只以兩該

司責成事體不至重大請大臣一負都提調差下何如傳曰

允○傳于政院曰我國之事一為開端則後日不揆事理遂為

謬例今次天使時各道營儲及各官鋪陳帳幕等物上納出

於一時之窘迫不獲已非舊例也此意可捧承傳于該曹載于

謄錄後日俾不得援以為例○戊戌○全羅道觀察使李弘老

馳啓曰金溝縣監牒呈內今二月初二日戌時赤氣自東方

始生遍及南北西方而北方尤甚移時乃止又於初三日未時

地震自西向東屋宇皆動云龍潭縣令牒呈內今二月初三日

申時地震自南而北屋宇皆動云臨陂縣令牒呈內今二月初

三日未時地震自北向南暫時而止變異非常事啓下禮曹

○以金時獻為兵曹參知洪慶臣為成均館司藝金堯立為成

均館司藝李軫賓為司憲府持平朴東說為弘文館校理金悌

男為司諫院獻納成晉善為弘文館副校理吳允謙為弘文館